

重刊道藏輯要

張三丰先生全集卷之一

漢嘉長乙山人李西月重編

張道淵子深氏敬書

閩中朱道生晚成子敬刊

姪 瑛春城

朱瓚素園全校字

男 璜蟠溪

明天順皇帝勅封誥命

奉

天承運皇帝制曰朕惟仙風道骨得天地之真元祕典靈文集

道藏輯要

三丰全集 誥攷記

壹

續畢集七

川〇文

陰陽之正氣顧長生久視之術成超凡入聖之功曠世一逢奇蹤罕見爾真人張三丰芳姿穎異雅志孤高得仙籙之祕訣餌金鼎之靈膏去來倏忽實得造化之機隱顯微芒昭合乾坤之妙茲特贈爾為通微顯化真人錫之誥命以示褒崇尙期指教式惠來英

寶誥一

元朝名士天師後昆鶴骨珊珊龍髯拂拂非百里之小才得一官而勇退出遼東而訪道入終南而遇師笠穿衲敝寒暑不侵果熟丹成縱橫自在託歌詞而談道響徹雲霄藉塵垢而隱真人稱邈過玉樞宣詔金殿飛身玄妙無方隱顯莫測大忠大孝

大慈大悲南極會上羣仙領袖之演正武當繼武真君

寶誥二

始青一炁教闡十方積功勳於大明度眾生於塵市遇火龍而
細參至道入武當而調養谷神混俗和光經緯五載入山面壁
考驗九年大廷朝駕顯飛昇名山谷洞留仙蹟方方開化處處
設壇演金科流傳萬世證金丹度盡後學大悲大願大慈大仁
至靈至聖至公至明羣真一元始祖廣慈普度真君通微顯化
天尊

寶誥三

中山舊令上清律仙廣三千之功行證十二之圓通擅神靈變

道藏輯要

三丰全集

誥攷記

二

續畢集七
川文川

化之奇精符篆龍蛇之體道高德重煉人元而兼統地元和光
同塵潛玩世而卽行度世尋有德之人人人得度種無根之樹
樹樹皆空講先天之妙旨爲後進之梯航大悲大願大聖大慈
武當繼教掌法仙師靈寶真人天雷主宰之演道飛龍濟世
真人通微顯化天尊

寶誥四

至真傳道太清選仙居武當而啓教爲文始之正傳如癡如醉
混仙跡於麗春教孝教忠闡之風於華真度萬三於滇海婿女
同昇續龍虎之神通道法兼備十方寶筏三教宗師大悲大願
大慈大仁至玄至妙至奇至神東華首相三清外臣雷霆神吏